

საქართველოს მთავრობის

განკარგულება №2141

2017 წლის 10 ოქტომბერი

ქ. თბილისი

საქართველოს მთავრობის ადმინისტრაციისათვის უძრავი ქონების უსასყიდლო უზუფრუქტის, ხოლო მოძრავი ქონების თხოვნების ფორმით გადაცემაზე თანხმობის მიცემის შესახებ

1. „სახელმწიფო ქონების შესახებ“ საქართველოს კანონის 36-ე მუხლის მე-2 პუნქტის შესაბამისად, საქართველოს მთავრობის ადმინისტრაციის კვებითი მომსახურების უზრუნველსაყოფად საქართველოს მთავრობის ადმინისტრაციას მიეცეს თანხმობა, რომ:

ა) შპს „ჰარმონი ივენოს“ (ს/კ: 204567922) უსასყიდლო უზუფრუქტის ფორმით, აუქციონის გარეშე, შესაბამისი ხელშეკრულების გაფორმებიდან 1 წლის ვადით გადასცეს საქართველოს მთავრობის ადმინისტრაციის ადმინისტრაციულ შენობაში არსებული სასადილო და დამხმარე სათავსები, საერთო ფართობით 476 მ² (სასადილოს ფართი II სართულზე – 396 მ² და დამხმარე სათავსები I სართულზე – 80 მ²) ;

ბ) შპს „ჰარმონი ივენოს“ (ს/კ: 204567922) თხოვნების ფორმით, აუქციონის გარეშე, უსასყიდლო უზუფრუქტის ხელშეკრულების მოქმედების ვადით გადასცეს საქართველოს მთავრობის ადმინისტრაციის ბალანსზე რიცხული, დანართით განსაზღვრული მოძრავი ქონება.

2. საქართველოს მთავრობის ადმინისტრაციამ, ამ განკარგულების შესრულების მიზნით, განახორციელოს საქართველოს კანონმდებლობით გათვალისწინებული შესაბამისი ღონისძიებები.

3. განკარგულება ძალაშია 2017 წლის 3 ოქტომბრიდან.

პრემიერ-მინისტრი

გიორგი კვირიკაშვილი

